

Сифте гаф

Гъюрматлу дустар!

Учвухъ хъайи му «Цийи Йикъар» күруу Китаб Аллагъдин гирами китабдин кьюбпи пай ву.

Сабпи пай, Кюгъне Йикъар, мегъел жугъуд чалнаан ихъ чалназ илтИбкIнадар. Дидин күулин мяна-метлеб, сар касди, Адамди, учв халкъ гъапIу Аллагъди күрууб дараpIди, фици гъад-гъулантина гъабхъи вари инсаният гунагъвализъ ахънууш ва гъадму гунгъиккан адмийир уърхбан бадали гъапIну ккундуш, улупуб ву. Яни Дугъу Чаз Чан хусуси халкъди жугъдар ктагъуру, дурарихъди Йикъар йитIну, Къанун дебккру, хъа дурарихъан думу Йикъар, Къанундъи улупнайиси, күулиз адагъуз гъабхъундар. Дурари, чпин терефнаан, Йикъар тамам апIури гъахъундар күри, Аллагъра, дурализ дилигнү, Чав күрууб тамам апIахъан гъудучIвундар. Жугъарихъди йитIнайи Йикъарилантина вари инсаниятдиз дубхъну ккуни уж'вал Аллагъди тамам апIури имии. Гъамус Дугъу жугъарихъди ваъ, хъа вари инсанарихъди Цийи Йикъар йитIну ккундийи. Цийи Йикъар чпин ихтиярнаш учIган, сабпи Йикъар йирсивализ, яни кюгъневализ илтИкIнийи.

Аммаки, гъадму Кюгъне Йикъарна Къанун инсанариз, чпин удуудукърувал ва чиб-чпинди чпин гунгъариан удучIвуз даршлувал улупуз күри, Цийи Йикъарихъ хъапIрайи рякътIан дайи. Ари гъадму Кюгъне Йикъаришъ жугъуд халкъдихъди улхури гъахъи Аллагъ гъаму Цийи Йикъариира, инсанарин арайиз дуфну, Учв адмиси адмийирихъди улхури гъахъну ва гъамус, гъиямат йигъяз хъана гъюрза дупну гаф тувну, айршариз душна.



Думу адмийиригъна гъаз гъафну? Кюгъне Йикъраиъ Къанундиинди гъарсар касди чан гунгъихъанди мал гъурбан дапIну ккундийи, гъякъди апIуруш, гунагъ гъапIур аյжализ тувну ккундийи, хъа Аллагъдиз гъарсар кас масанди ву: Дугъу, инсан чи-види гъитну, гъадгъан гунгъарихъанди маларин ифи удубзуз гъитру, эгер гунагъ гъапIу гъар касдин ифи удубзуиши, дюн'яйин гъич сар каскъан гъузидайи, гъаддиз инсандинхъанди инсандин гунгъин жаза малариин алабхъуру.

Аллагъдиз инсанар гъадмукаан ккун гъахънушра, дураг гунгъарихъан хътакундар. Фукъанна фукъан ва фукъандизкъан гъич саб тахсир ктру маларин ифи удубзури хъидихъя! Аллагъдиз инсан гъадмукаан масанди вуйиган, Дугъу дурагихъан гъиямат йигъан Чан улихъ гъич саб тахсир ктарди дугъужвуз шлуси, саб ужу шлу рякъ ктабгъну ккундийи. Сар балайикк ккахънайиган, думу ккунири гъапIну ккунду? Дюз вучва, жувван жан гъайиф дапIну ккундар; ари Чав халкъ гъапIу инсан масан гъапIу Аллагъдира, гунгъарий кIулихъди арснайи инсан марцц апIбан бадали, Чан жан гъайиф дарапIди, варидарихъанди сар Учв гъурбан гъахъну. Дугъу гъапIу ужувлаз дилигну, гъар шли Думура гъаци ккун гъапIиш, дицир Дугъахъди гъаммишандиз женнетдиз ахъди. Жараси женнетагъли хъуз шлуб дар.

Ари Аллагъдин гъадму ужувлакан ктибурайи Гирами китабдин кьюбпи пайназ Щийи Йикърап кIуру. Душваъ Аллагъдин гъадму ужувлакан ва Дугъан веледар хъпан бадали, инсанари гъапIну ккундуш, ктибура. Аллагъди, Чав гъапIу ужувлакан вари инсаниятдиз хабар дебккай, гъапну, ари гъадму Хабар – Щийи Йикърап, учу, табасаран Чалназ илтIибкIу Рашид Азизовди, гъалатIар ктагъу Шарафудин Дашиберовди, Шамиль Казиевди, Сабрина Шихалиевайи, Михаил Алексеевди ва Гирами китабар илтIикIру институтдин, бицIирилан ккебгъну, вари гъулугъчири табасаран халкъдиз дебккрача.

Щийи Йикърарнаа улупнайи гъядисийр хъуз хъюгъхъанмина, яни думу Уж'вал инсаниятдиз дебккхъанмина кьюд агъзур йистIан зина гъубшну. Щийи Йикърин пай гъадму гъядисийр чипин улариз гъяркъю шагыдари грек Чалниинди дибикIинайи Гирами китаб ву. Дидин хъана уччуви гъавриъ ахъруси, Китабдин ахирий, алахъру читин гафарин мяна ачухъ апIурайи



СИФТЕ ГАФ

словарь ва гъядисийр наан шули гъахьнуш гъаврий таърайи шиклар, схемийир ва картийир туврача.

Цийи Йикъар 27 Китабдикан ибарат дубхънайи саб гъварч ву, ва, урхрудариз сацИб гъаврий ахъуз кюмек ибшри дупну, гъар Гирами китабдин улихь дидкан жикъидиси мълуматра туврача.

Библия илтИбкIру институтди думу табасаран Чалназ ил-ТибкIдари, дидин редакторариз ва думу адабгъуз кюмек гъапI-дари – варидализ чухсагъул кIура. Табасаранализ чпин багъри Чалниинди Аллагъдин Гаф урхуз мумкинвал хъувалиин учу шад вуча.

Библия илтIукIру институт